

# ԱՂՕԹՔ ՋՐՕՐՀՆԵԱՅ

Ս. Բարսեղ Կենսարացի

*Ս. Ծննդեան եւ Աստուածայայտնութեան  
սրբազան տօներուն առիթով, եւ իր շահեկանությո  
ւնան համար, մեր ընթերցողներուն կը ներկ  
այացնենք հատուած մը, քրիստոնէական Եկեղեցոյ  
մեծագոյն դէմքերէն՝ Ս. Բարսեղ Կենսարացի Հայր  
ապետի աղօթքը, որ կը կարդացուի Յունուար 6-  
ին, Ջրօրհնէքի արարողութեան:*

Դուն, ո՛վ Տէր, չորս  
տարրերէն յօրինեցիր  
աշխարհը եւ չորս եղա-  
նակներով բովանդակ  
տարին ամբողջացուցիր:

Քեզմէ կը դողան  
իմանալի գորութիւննե-  
րը. Քեզ կ'օրհնէ արե-  
զակը եւ կը փառաւորէ  
լուսինը. Քեզ կը գովեն  
հոյլը աստղերուն: Քեզի  
կը հնազանդի լոյսը եւ  
Քեզմէ կը սարսիւն խորութիւնն  
երը, եւ Քեզի կը ծառայեն աղբիւրն  
երը: Քեզ կ'օրհնեն հրեշտակական գորութիւնն  
երը եւ հրեշտակապետերու խումբերը  
Քեզ կ'երկրպագեն: Սերովբէներն ու Քերով-  
բէները բարձրութեանց մէջ անմատչելի լոյս  
երովդ կը պարփակուին՝ անպարագրելի եւ  
Տէր Աստուած, անճառելի եւ անպատմելի:  
Երկիր իջար մարդու նմանութեամբ, ծառայի  
կերպարանք առնելով՝ որովհետեւ Քու անս  
ահման գթութեամբդ չէիր հանդուրժեր,  
մարդասէր Տէր, տեսնել մարդը բռնադատու  
ած բանասարկուին կողմէ, ուստի եկար եւ  
փրկեցիր մեզ:

Կը խոստովանինք Քու շնորհներդ,  
Կը յայտարարենք Քու ողորմութիւնդ,  
Չենք ծածկեր Քու բարեգործութիւնդ:  
Դուն, Յորդանանի ջուրերը սրբեցիր  
Քու Սուրբ Հոգիդ դրկելով, վիշապին գլուխը

ջախջախեցիր:

Այժմ կ'աղաչենք մարդասէր Աստուած,  
որ դրկես Քու Սուրբ Հոգիդ այս ջուրին վրայ:  
Օրհնէ՛ եւ մաքրէ՛ գայն, եւ տուր անոր Յորդա-  
նանի ջուրներուն շնորհը ու ըրէ գայն՝

Օրհնութեան աղբիւր,

Մեղքերու լուծում,

Հիւանդութեանց բժշկութիւն,

Ախտաւորներու առողջութիւն,

Հրեշտակներու գործութեամբ լնցուած ընդ-  
դիմութեան գործութիւն:

Դուն Տէ՛ր Աստուած, անապատի դառն  
ջուրը Մովսէսի գաւազանով քաղցրացուցիր եւ  
ծարաւած ժողովուրդը յազնցուցիր: Դուն Տէ՛ր,  
Եղիայի միջոցաւ ջուրով եւ կրակով ազատեցիր  
Քու ժողովուրդը Բահաղի ծառայութենէն: Դուն  
Տէ՛ր, Եղիսէի ժամանակ չորցած աղբիւրները  
բխեցուցիր եւ նրաշտէ փրկեցիր Քեզի հաւա-  
տացողները: Դուն, ինքնին Տէ՛ր, մօտեցի՛ր այժմ Ս.  
Հոգիովդ եւ օրհնէ՛ այս ջուրը, որպէսզի սա ըլլայ՝

Տուներու շէնութիւն,

Հիւանդներու բժշկութիւն,

Հոգիներու փրկութիւն,

Մարմիններու առողջութիւն եւ օգտա-  
կար՝ մեր ամէն պէտքերուն. որովհետեւ ողորմ  
ած եւ մարդասէր եւ Տէր Աստուած:

Պիտի վախճան ասկէ բոլոր անոնք, որոնք  
չարութիւն կը խորհին Քու ծառաներուդ մասին,  
որոնք Քու փառաւորեալ եւ սքանչելի անունդ  
պիտի օրհնեն այժմ եւ միշտ եւ յաւիտեան:

Ամէն: